

ALVER KOMMUNE  
Kvernhusmyrane 20  
5914 ISDALSTØ

**Vår dato:** 19.01.2023

**Vår ref.:** 202112098-8 Oppgi ved kontakt

**Dykkar ref.:**

**Sakshandsamar:** Toralf Otnes,  
22959527, toot@nve.no

## **NVE si fråsegn til offentlig ettersyn av detaljreguleringsplan for Åtun - Gnr 108 bnr. 161 - Alver kommune**

Vi viser til brev datert 21.12.2022. Saka gjeld offentlig ettersyn av detaljreguleringsplan for Åtun. Føremålet med planframlegget er å regulere for 25 bueiningar fordelt på to bygg med tilhøyrande leike- og uteareal.

I oversendingsbrevet skriv de følgjande: «Vi ber om at NVE særskilt ser på følgjande: Jf. føresegn § 3.1.1.12 c i planframlegget er alminneleg skjøtsel av vegetasjon langs bekken tillate. Vi ynskjer tilbakemelding frå aktuelle høyringsinstansar om dette er i strid med vannressursloven § 11.».

### **Om NVE**

Noregs vassdrags- og energidirektorat (NVE) er nasjonalt sektormynde med motsegnkompetanse innanfor saksområda flaum-, erosjons- og skredfare, allmenne interesser knytt til vassdrag og grunnvatn, og anlegg for energiproduksjon og framføring av elektrisk kraft. NVE har også ansvar for å hjelpe kommunane med å førebygge skader frå overvatn gjennom kunnskap om avrenning i tettbygde strok (urbanhydrologi). NVE gir råd og rettleiing om korleis nasjonale og vesentlege regionale interesser innanfor desse saksområda skal takast omsyn til ved utarbeiding av arealplanar etter plan- og bygningslova (pbl).

### **NVE sin konkrete uttale**

#### Om kantvegetasjon

Kravet i vassressurslova § 11 om å oppretthalde kantvegetasjon er ikkje til hinder for at kantvegetasjonen kan haustast/skjøttast. Forutsetninga er at skjøtselen ikkje aukar avrenninga til vassdraget eller fører til at biotopen vert endra. NVE kan difor ikkje sjå at føresegna «Alminneleg skjøtsel av vegetasjon langs bekken (BSV) er tillate» skal vere i strid med vassressurslova § 11.

Intensjonen til vassressurslova § 11 er uttrykt i første ledd, og det er å motvirke avrenning og gi levestad for plantar og dyr. Kommunen er gjeve mynde til å fastsette kva breidde



kantvegetasjonen skal ha. Når breidda skal fastsettast så er det ei vurdering som må ta utgangspunkt i at kantvegetasjonen skal oppretthalde denne funksjonen, dvs. hindre avrenning og gi levestad for planter og dyr. Denne breidda kan fastsettast i rettsleg bindande planar etter plan- og bygningslova.

I føresegnene til reguleringsplanen bør de i tillegg til formuleringa i § 3.1.1.12 c presisere at skjøtselen ikkje skal føre til at avrenninga til vassdraget aukar, og at biotopen ikkje må endrast. Sidan skjøtsel nemnd i § 3.1.1.12 c då er kopla til kravet i vassressurslova § 11 rår vi til at de fastset breidda på kantvegetasjonen, og markerer denne i det juridisk bindande plankartet. Slik får de eit eintydig område der føresegna gjeld. De kan til dømes markere område for kantvegetasjon som grønstruktur, jf. pbl § 12-5 nr. 3.

Vi viser elles til NVE rettleiar [2/2019 Kantvegetasjon langs vassdrag](#).

### **Meir informasjon**

De finn mykje informasjon på våre nettsider om arealplanlegging, <https://www.nve.no/arealplanlegging/>. Vår uttale i saka er nødvendigvis ikkje uttømmende. For å få ei fullstendig oversikt viser vi til [Kartbasert rettleiar for reguleringsplan](#), som leier dykk gjennom alle våre fagområde, og gir dykk verktøy og innspel til korleis våre tema skal takast omsyn til i reguleringsplanen. Dersom de har spørsmål, eller det er noko i denne uttalen som er uklart, kan de ta kontakt pr. telefon eller e-post.

### **Kommunen sitt ansvar**

NVE minner om at det er kommunen som har ansvaret for at det blir tatt nødvendig omsyn til flaum- og skredfare, overvatn, vassdrag og energianlegg i arealplanar, byggeløyve og dispensasjonar. Dette gjeld uavhengig av om NVE har gitt råd, uttale, eller motsegn til saka.

Med helsing

Øyvind Leirset  
Seksjonssjef

Toralf Otnes  
Senioringeniør

*Dokumentet blir sendt utan underskrift. Det er godkjend etter interne rutinar.*

### **Mottakarar:**

ALVER KOMMUNE

### **Kopimottakarar:**

STATSFORVALTAREN I VESTLAND